

Strákar 10 - 11 ára (10 kepp.)

1. Viðar Janus Helgason
2. Þorgils Kári Sigurðsson
- 5.-7. Magnús Freyr Bárðarson
- 5.-7. Jón Gunnþór Þorsteinsson

Stelpur 10 – 11 ára (5 kepp.)

1. Guðrún Inga Helgadóttir
3. Hanna Kristín Ólafsdóttir

Síðasta glímuæfingin fyrir jól verður 15. desember og þær hefjast aftur á nýju ári þann 12. janúar.

Félag Vinn.

- | | |
|---------|----|
| Samhygð | 3 |
| Vaka | 1½ |
| Samhygð | 2 |
| Samhygð | 2 |

Félag Vinn.

- | | |
|--------|---|
| Vaka | 4 |
| Baldur | 2 |

Dagskrá mánaðarins

Íþróttæfing eldri	2. desember
Íþróttæfing yngri	3. desember
Fyrirlestur í Þjórsárveri	4. desember
Opið hús hjá kvenf. Villingh.hr.	5. desember
Aðventusamkoma í Villingaholtskirkju	7. desember
Glímuæfing	8. desember
Íþróttæfing eldri	9. desember
Íþróttæfing yngri	10. desember
Aðventukaffi eldri borgara	11. desember
Jólafundur kvenf. Gaulv.	12. desember
Glímuæfing	15. desember
Umsóknarfrestur fyrir styrki Vöku	15. desember
Íþróttæfing eldri	16. desember
Íþróttæfing yngri	17. desember
Skötuveisla í Þjórsárveri	23. desember
Hátíðarguðsþjónusta í Gaulv. bæjarkirkju	25. desember
Hátíðarguðsþjónusta í Hraungerðiskirkju	25. desember
Hátíðarguðsþjónusta í Villingaholtskirkju	26. desember
Jólaball í Þjórsárveri	28. desember
Jólatrésskemmtun í Félagslundi	28. desember
Aðalfundur Umf. Vöku	2. janúar
Prettándagleði Umf. Vöku	6. janúar
Prettándaskemmtun Umf. Samhygðar	6. janúar

Áveitan sendir lesendum sínum bestu óskir um gleðileg jól og farsæld á nýju ári!



Áveitan



12. tbl, des. 2008. 2. árgangur.

Útg: Umf. Samhygð og Umf. Vaka.

Áb: Fanney Ólafsdóttir og Stefán Geirsson.

Netföng: fanneyo@visir.is og stegeir@hotmail.com



Skötuveisla

Ungmennafélagið Vaka býður til sinnar árlegu skötuveislu á Þorláksmessu. Veislan er sem fyrr í Þjórsárveri og hefst klukkan 12:00. Boðið verður upp á gæða skötu ásamt meðlæti, en einnig verður saltfiskur á borðum fyrir þá sem það kjósa. Kaffi og konfekt á eftir. Verðið er sanngjarnt eins og alltaf:

Fullorðnir	1500kr
Börn 6 – 12 ára	500 kr
Börn yngri	Fritt

Við hvetjum alla til að taka sér smá hvíld frá jólaösinni, eiga notalega stund með vinum og nágrönnum og njóta þess að borða góðan mat. Ekki spillir fyrir að ekki þarf að hugsa um matseld og uppvas

Stjórn Umf. Vöku



Eyravegi 32 · Sími 480 1160 · Neyðarnúmer 660 1160

Frá sveitarstjóra

Skrifstofa Flóahrepps er opin alla virka daga frá kl. 9:00-16:00. Skipti-
borð er opið virka daga frá kl. 9:00-13:00, sími 480-4370.

Heimasíða sveitarfélagsins er www.floahreppur.is

Netfang sveitarstjóra er floahreppur@floahreppur.is

Netfang oddvita er adalsteinn@floahreppur.is

Reglulegir fundir sveitarstjórnar eru 1. miðvikudag hvers mánaðar,
fundarstaður er á skrifstofunni í Þingborg.

Erindi, sem óskað er eftir að tekin verði fyrir á fundi sveitarstjórnar þurfa
að berast á föstudegi fyrir fundardag.

Skipulags-og byggingarfulltrúaembætti uppsveita Árnassýslu og Flóa-
hrepps er að Dalbraut 12, 840 Laugarvatni.

Skiptiborð er opið alla virka daga frá kl. 9:00 til 12:00

Byggingarfulltrúi er Helgi Kjartansson, helgi@sudurland.is

Skipulagsfulltrúi er Pétur Ingi Haraldsson, petur@sudurland.is

Fulltrúi Flóahrepps í skipulags- og byggingarnefnd er Aðalsteinn Sveins-
son, oddviti Flóahrepps.

Heimasíða skipulags-og byggingarfulltrúa er: www.sveitir.is þar sem
meðal annars má sjá allar fundargerðir skipulags-og byggingarnefnda.

Félagsmálafulltrúi uppsveita Árnassýslu og Flóahrepps er með aðsetur í
heilsugæslustöðinni að Laugarási, Bláskógabyggð. Sími hjá félagsmála-
fulltrúa er 480-8800.

Félagsmálafulltrúi Flóahrepps er Nanna Mjöll Atladóttir, felagsmála-
stjóri@laugaras.is.

Fulltrúi Flóahrepps í félagsmálanefnd er Guðrún Jónsdóttir, Sandbakka.

8. bekkur í Flóaskóla haustið 2009

Sveitarstjórn Flóahrepps hefur samþykkt að kennsla verði fyrir 8. bekk í
Flóaskóla frá haustinu 2009 en í dag er unglíngum sveitarfélagsins í 8. -
10. bekk kennt í Vallaskóla, Árborg samkvæmt samningi milli Flóahr-
epps og Árborgar.

Reiknað er með að kennsla 8. bekkjar fari að mestu leyti fram í félag-
sheimilinu Þjórsárveri næsta skólaár.

Jafnframt er stefnt að því að allt grunnskólastigið verði við Flóaskóla og
verður hafist handa við undirbúning þessa hið fyrsta. Hér er um stóra og

Gjaldkeri Umf Vöku
Lyngholti, 801 Selfoss
845-9719 lyngh@emax.is

Vöku – bolir

Ungmennafélagið Vaka hefur til sölu boli merkta félaginu. Eru
þetta kóngabláir bolir með hefðbundnu sniði með merki
félagsins. Bolirnir kosta 1000 krónur og henta vel í jólapakkann.
Hægt er að nálgast þá hjá gjaldkera í Lyngholti.

Aðalfundur

Aðalfundur Umf. Vöku verður haldinn 2. janúar 2009 í
Þjórsárveri og hefst kl. 20:30.

Venjuleg aðalfundarstörf, verðlaunaafhendingar og veitingar í
boði félagsins. Hvetjum alla félagsmenn til að mæta, unga sem
aldna, og nýir félagar eru alltaf velkomnir.

Jólakveðja

Stjórn Ungmennafélagsins Vöku óskar öllum félagsmönnum
sínnum og öðrum velunnurum gleðilegra jóla og farsæls nýs árs.
Þökkum ánægjuleg samskipti og samstarf á liðandi ári.

Stjórn Umf. Vöku

Fjórir fjórðungsmeistararitlar til Samhyðar og Vöku

Fjórðungsglíma Suðurlands fór fram í félagsheimilinu Þingborg í Flóahreppi
þriðjudaginn 11. nóvember 2008. Keppt var í flokkum 11 ára og yngri, 12 til 13
ára, 14 til 15 ára og 16 ára og eldri hjá báðum kynjum. Ungmennafélögin
Baldur, Samhyð og Vaka áttu tíu keppendur á mótinu og nældu félögin sér í
fjóra fjórðungsmeistararitla og alls átta verðlaunasæti sem er glæsilegur
árangur. Úrslit okkar fólks urðu þessi:

Karlar	16 ára og eldri (4 kepp.)	Félag	Vinn.
1. Stefán Geirsson		Samhyð	3
Meyjar 14 – 15 ára (2 kepp.)		Félag	Vinn.
2. Ingveldur Þorsteinsdóttir		Samhyð	0
Stúlkur 12 - 13 ára (5 kepp.)		Félag	Vinn.
1. Marín Laufey Davíðsdóttir		Samhyð	4
2. Ásrún Halla Loftsdóttir		Vaka	3

Frá Umf. Vöku

Skemmtileg heimsókn á félagssvæði Umf. Vöku

Á aðfangadagsmorgun ár hvert má oftast en ekki búast við gestum sem kíkja við og afhenda pakka eða nammi. Þeir sem vilja koma sendingum til þessara góðu gesta geta komið þeim út að Lyngholti fyrir 24. des eða komið með þá í skötuveisluna. Sendingarnar verða að vera vandlega merktar með nafni og bæjarnafni svo þær komist örugglega til skila.

Árgjöld Umf. Vöku

Ég vil minna þá sem eiga eftir að borga árgjöld Umf. Vöku fyrir árið 2008 að gera það sem fyrst. Hægt er að leggja árgjaldið inn á reikning félagsins.

Kennitala Umf. Vöku 471077-0389

Reikningur 0152-26-2216

Allir félagsmenn 12 ára og eldri greiða árgjald og er það 700 kr á ári. Félagar geta annaðhvort greitt í gegnum heimabanka eða haft samband við bankann sinn og beðið gjaldkera um að millifæra. Gott væri að setja kennitölu viðkomandi félagsmanna sem skýringu. Nú þegar hafa nokkrir félagsmenn greitt árgjöldin og þakka ég þeim skjót viðbrögð. Ef eitthvað er óljóst, endilega hafið samband við mig í gegnum tölvupóst lyngh@emax.is eða í síma 8459719.

Þrettándagleði Umf. Vöku verður haldinn 6. janúar kl 20:30!

Styrkir til félagsmanna Umf. Vöku

Umf Vaka mun í ár, eins og undanfarin ár, styrkja félagsmenn sína sem stunda íþróttir og æfa með öðrum félögum. Þar sem Umf. Vaka stendur ekki fyrir íþróttæfingum í öllum greinum, reynum við að koma til móts við félagsmenn okkar á þennan hátt.

Allir félagsmenn Umf. Vöku sem æft hafa einhverja íþróttagrein hjá öðru félagi á árinu 2008 geta sótt um þennan styrk, skilyrði er þó að viðkomandi hafi greitt árgjöld Umf. Vöku á árinu, eigi það við.

Umsóknum, ásamt staðfestingu á greiddum æfingagjöldum, skal skila til gjaldkera **fyrir 15. desember** og styrkurinn verður greiddur út fyrir ármót.

Hallfríður Ósk Aðalsteinsdóttir

metnaðarfulla ákvörðun að ræða, ekki síst á tímum efnahagsþrenginga og samdráttar í þjóðfélaginu.

Ljóst er að mikil undirbúningsvinna og margvísleg úrlausnarefni eru framundan við undirbúning verkefnisins.

Stýrihópur, sem í eiga sæti skólastjóri, formaður fræðslunefndar, fulltrúi sveitarstjórnar, umsjónarmaður fasteigna og sveitarstjóri, hefur verið að störfum síðan s.l. vor.

Ákveðið var að fá til starfa fagaðila til að horfa hlutlaust á það svæði sem til umráða er varðandi uppbyggingu og þær byggingar sem eru til staðar í nágrenni Flóaskóla, meta það, leggja drög að úttekt með stækkun í huga og koma með tillögu að breytingum eða viðbótum. Horfa þyrfti á notagildi bygginga þannig að öll hugsanleg uppbygging yrði sem hagstæðust kostnaðarlega.

Stýrihópur hitti formenn ungmennafélaga og formann kvenfélags Vill-ingaholtshrepps og skoðaði með þeim hugmyndir að íþróttahúsi og breytingar á Þjósárverri, notkun og aðstöðu en ungmennafélögin hafa lýst yfir miklum áhuga á uppbyggingu íþróttaaðstöðu í sveitarfélaginu. Ari Guðmundsson og Ingunn Gunnarsdóttir hjá VST-Rafræðingum unnu þarfagreiningu þar sem horft var til væntanlegs nemendafjölda, rýmisþarfur til kennslu, ástand núverandi mannvirkja Flóaskóla og Þjósárvers ásamt fleiru. Þá var fyrirkomulag, form og staðsetning á viðbyggingu ásamt íþróttahúsi skoðað. Haft var að leiðarljósi hagkvæmni og góð nýting sem falli vel að starfsemi skólans. Stefnt er að því að kynna hugmyndir að uppbyggingu fyrir íbúum Flóahrepps á næstunni.

Vatnsveitumál

Sveitarstjóri og oddviti hafa fundað í nokkur skipti undanfarna mánuði með fulltrúum Ásahrepps og Rangárþings ytra í tengslum við hugmyndir um sameiginlegar vatnsframkvæmdir. Fulltrúar Skeiða-og Gnúpverjahrepps hafa einnig setið síðustu fundi en sveitarstjórn Skeiða-og Gnúpverjahrepps mun taka ákvörðun um áframhaldandi viðræður á næstu vikum.

Fyrir liggur samþykki frá sveitarstjórn Flóahrepps um viðræður við vatnsveitu Ásahrepps og Rangárþings ytra í tengslum við vatnsöflun. Viðræður hafa gengið út frá þeim forsendum að vatn verði virkjað úr svokölluðu Kerauga í Holtum en sýni úr þeim lindum gefa til kynna að þar sé nóg af góðu vatni.

Afar brýnt er að fá meira og betra vatn í Flóahrepp en eins og íbúar þekkja hefur neysluvatn verið misgott úr vatnslindum sveitarfélagsins og borið hefur á vatnsþurrð undanfarin tvö sumur.

Mikill kostnaður liggur í vinnu við viðhald dreifiveitu, vatnsöflun og dælingu.

Á síðasta fundi fulltrúa sveitarfélaganna var lög fram greinargerð KPMG um valkosti varðandi rekstrarform og þáttöku sveitarfélaganna fjögurra í rekstri og uppbyggingu vatnsveitu.

Í greinargerð voru settir fram fimm valmöguleikar rekstrarforms:

1. Uppbygging Vatnsveitu Rangárþings ytra og Ásahrepps með hliðsjón af þörfum innan sveitarfélaganna tveggja.
2. Uppbygging Vatnsveitu Rangárþings ytra og Ásahrepps með hliðsjón af þörfum innan sveitarfélaganna tveggja og með það að markmiði að selja vatn til nágrannasveitarfélaganna.
3. Uppbygging Vatnsveitu Rangárþings ytra og Ásahrepps með það að markmiði að taka yfir rekstur og uppbyggingu vatnsveitna í Flóahreppi og/eða Skeiða- og Gnúpverjahreppi.
4. Rangárþing ytra og Ásahreppur hefji formlegt samstarf við Flóahrepp og/eða Skeiða- og Gnúpverjahrepp um rekstur vatnsveitna í sveitarfélögunum.
5. Sveitarfélögin sameinist.

Sveitarstjórn Flóahrepps hefur samþykkt að stefnt verði að því að fara leið 2 samkvæmt greinargerðinni.

Aðreinar

Sveitarstjórn Flóahrepps skorar á samgönguyfirvöld að setja aðreinar við helstu gatnamót á þjóðvegi 1 í sveitarfélaginu.

Gífurlegur umferðarþungi er um veginn og mjög alvarleg slys hafa orðið á þessari leið.

Styrkur til ungmennafélaga vegna sameiginlegra íþróttaæfinga

Ungmennafélög Flóahrepps hafa komið á sameiginlegum íþróttaæfingum fyrir börn í 1. til 4. bekk í tengslum við skólavistun Flóaskóla. Það er óhætt að segja að árangur er góður en nánast allir nemendur Flóaskóla í 1.-4. bekk taka þátt í sameiginlegum æfingum.

Ungmennafélögin réðu þjálfara til annast æfingar barnanna en þar sem áhugi var svo mikill sem raun ber vitni og ljóst að húsnæði Þjórsárvers myndi ekki fullnægja kröfum um rými og aðstöðu var ákveðið að keyra

Frá Kvenfélagi Villingaholtshrepps

Aðventukaffi eldri íbúa Flóahrepps

Kvenfélag Villingaholtshrepps býður öllum eldri íbúum í Flóahreppi í aðventukaffi í Þjórsárveri fimmtudaginn 11. desember kl. 14:00.

Kaffi og meðlæti, og stutt jólaleg skemmtun.

Burtfluttir sveitungar sérstaklega velkomnir.

Jólaball í Þjórsárveri

Hið árlega jólaball Kvenfélags Villingaholtshrepps verður í Þjórsárveri sunnudaginn 28. desember og hefst kl 14. Gengið verður í kringum jólatréð og sungið, og líklegt er að rauðklæddir sveinar líti við og gleði börnin. Á eftir verður drukkið öl og kaffi og er fólk beðið um að leggja til bakkelsi á veisluborðið eins og ávallt.

Aðgangseyrir er kr. 500 fyrir 6 ára og eldri en yngri gestir fá frítt.

Allir eru hjartanlega velkomnir á jólaballið.

Um kvöldið kl 20:30 verður spiluð félagsvist að vanda og að sjálfsgöðu verða veglegir vinningar.

Skemmtinefndin

Opið hús

Opið hús verður hjá Sólveigu á Skúflæk II, föstudagskvöldið 5.

desember 2008, frá kl. 20.30. Munið að hafa með

ykkur pakka, svo að við getum skipst á gjöfum.

Mætum nú sem flestar og eigum ánægjulega

kvöldstund í byrjun aðventunnar.

Ég hlakka til að sjá ykkur.

Sólveig



Frá Umf. Samhygð

Prettándaskemmtun verður haldin í Félagslundi að kvöldi þrettánda þann 6. janúar. og hefst hún kl.. 20:30.

Umf. Samhygð óskar öllum félagsmönnum sínum og öðrum velunnurum gleðilegra jóla og farsæls nýs árs. Þökkum ánægjuleg samskipti og samstarf á líðandi ári.

sýsla í garðinum.

Sigrún Helgadóttir býr á Selfossi ásamt eiginmanni og ungri dóttur. Hún er grunn- og framhaldskólakennari og er umsjónarkennari í 2.-3. bekk. Sigrún hefur sérstakan áhuga á kennslu og uppeldi yngri barna og góðum kvikmyndum. Sigrún biður þess nú af þolinmæði að geta byggt sér hús og flutt í Flóahreppi!

Sigurgeir Hilmar Friðþjófsson er flestum í Flóahreppi að góðu kunnur. Hann er grunnskólakennari með mikla reynslu sem skólastjóri og sveitarstjórnarmaður. Leiklist og umstangið í kringum hana á hug hans allan. Sigurgeir kennir tölvur, smíði og dönsku og segir draugasögur þess á milli. Sigurgeir býr í litlu húsi við ströndina á Stokkseyri ásamt heimilisdraugunum þar!

Unnur Bjarkadóttir býr á Selfossi ásamt sambýlismanni sínum. Hún er stuðningsfulltrúi og stundar nám frá Háskóla Íslands í fjarnámi í þroskaþjálfrafræðum. Helstu áhugamál Unnar eru íþróttir, útivera og félagsmál.

Valgerður Gestsdóttir býr í Mjósyndi ásamt eiginmanni sínum. Valgerður á 5 börn og 3 barnabörn. Vala eins og við köllum hana hefur lokið námi sem stuðningsfulltrúi. Vala hefur áhuga á söng og samfélagsmálum.

Þorbjörg Vilhjálmsdóttir býr á Selfossi, á uppkomin son og tíkina Snerru. Obba eins og hún er alltaf kölluð sér um sérkennslu í skólanum og er auk þess staðgengill skólastjóra. Obba er einnig einn af fjórum kennurum skólans sem sér um ART þjálfun nemenda. Helsta áhugamál Obbu eru íþróttir, félagsmál og Húsavík og allt sem henni tengist!

Þóra Gylfadóttir býr í Skeiða- og Gnúpverjahreppi ásamt eiginmanni, þremur sonum og hundi. Þóra er í kennaranámi og lýkur því í vor. Við Flóaskóla er hún umsjónarkennari í 1. bekk og kennir auk þess tónmennt. Helstu áhugamál Þóru eru söngur og skemmtilegt fólk.

Samstarfi Jólasveinanna og Samhygðar framhaldið

Nú ber svo við að jólasveinar hafa boðað komu sína annað árið í röð í Gaulverjabæjarhreppinn fyrir hádegi á aðfangadag til að dreifa glaðningum. Áhugasamir um að nýta sér þjónustu sveinanna síkátu eru vinsamlegast beðnir um að snúa sér til umboðsmanns þeirra í Gaulverjabæjarhreppi sem jafnframt er formaður Umf. Samhygðar, Stefán í Gerðum. Gæta verður að því að merkja glaðningana vel og rækilega svo ekkert fari nú á mis.

Umf. Samhygð

um helming barnanna í Þingborg til æfinga.

Ungmennafélögin sóttu um styrk til sveitarstjórnar vegna aksturs barnanna á milli félagsheimila og samþykkti sveitarstjórn fúslega að verða við þeirri beiðni.

Þjósársveitir

Þjósársveitir héldu á dögumum opinn fund þar sem kynnt voru markmið um nýtingu orku Þjósár til atvinnuuppbyggingar í orkufrekum iðnaði við uppsprettu orkunnar.

Þjósársveitir eru verkefni sem framkvæmdanefnd Þjósársveita stendur fyrir en nefndin er skipuð sveitarstjórnnum sveitarfélaga sem eiga lönd að bökkum Þjósár. Sveitarfélögin eru: Ásahreppur, Flóahreppur, Rangárþing ytra og Skeiða- og Gnúpverjahreppur.

Fyrir á þessu ári komu sveitarstjórnir Þjósársveitarfélaganna sér saman um að bjóða atvinnutækifærum í orkufrekum iðnaði aðstöðu til uppbyggingar í sveitarfélögum, ef af virkjun verður í neðri hluta Þjósár.

Til að koma markmiðinu í framkvæmd voru oddvitar og sveitarstjórar Þjósársveitarfélaganna skipaðir í framkvæmdanefnd.

Til langs tíma hefur hið geysimikla afl sem í Þjósársveitum býr verið virkjað til flutnings til annarra þéttbýlli landsvæða þar sem orkan er nýtt, að miklu leyti í orkufrekum iðnaði.

Það er samdóma álit sveitarstjórnanna fjögurra að kominn sé tími til að orka sveitarfélaganna nýtist til atvinnuuppbyggingar í heimahéraði og horft er til umhverfisvænna fyrirtækja s.s. netþjónabúa.

Framkvæmdanefnd hefur látið útbúa fyrir sig kynningarefni, bækling og heimasíðu, til að stuðla að markmiði sínu. Bæklingurinn hefur verið gefinn út bæði á íslensku og ensku fyrir fjárfesta sem áhuga hafa á nýtingu orku Þjósársveita. Við tekur umfangsmikið kynningarátak á verkefninu Þjósársveitir – uppspretta orkunnar. Kynningarefni Þjósársveita er aðgengilegt á vefslóðinni: www.thjorsarsveitir.is.

Umhverfisnefnd

Sveitarstjórn hefur samþykkt að Almar Sigurðsson verði formaður nefndarinnar í stað Trausta Hjálmarssonar sem flutti úr Flóahreppi fyrir skömmu.

Sveitarstjórn samþykkti einnig að Sigurður Guðmundsson taki sæti sem aðalmaður í nefndinni.

Endurskoðun fjárhagsáætlunar

Á síðasta fundi sveitarstjórnar var endurskoðuð fjárhagsáætlun ársins 2008 og yfirlit yfir helstu breytingar á áður samþykktri áætlun, samþykkt.

Gert er ráð fyrir að rekstrarniðurstaða aðalsjóðs hækki úr 41.533 þús kr. í 48.691 þús kr. og að samantekt A og B hluta lækki úr 18.041 þús kr. í 175 þús kr.

Fjárfesting lækkar úr 56.500 þús kr. í 44.000 þús kr.

Ástæða hækkunar á rekstrarkostnaði aðalsjóðs er meðal annars launa-hækkun kennara samkvæmt kjarasamningi og hækkun á fjármagns-kostnaði.

Bólusetningar

Bændur í Flóahreppi eru minntir á að láta bólusetja sauðfé sitt.

Einnig eru íbúar minntir á að láta ormahreinsa hunda sína og ketti.

Efni á heimasíðu

Íbúar eru hvattir til að senda sveitarstjóra upplýsingar og fréttir fyrir heimasíðuna. Þannig verður síðan virkari og skemmtilegri og nýtist betur sem upplýsingaveita.

Íbúar og velunnarar Flóahrepps nær og fjær fá innilegar óskir um gleðileg jól og farsælt komandi ár með þökk fyrir gott samstarf á árinu sem nú er að ljúka. Sveitarstjórn og sveitarstjóri Flóahrepps.



Helstu áhugamál Eydísar snúast um börn, tónlist og handavinnu.

Halla Aðalsteinsdóttir býr í Kolsholti ásamt eiginmanni sínum, en þau hjónin eiga 4 börn, 13 barnabörn og 9 barnabarnabörn. Halla er grunnskólakennari að mennt, er stundakennari við skólann og sinnir forfallakennslu. Helstu áhugamál Höllu eru fjölskyldan og tónlist.

Haukur Gíslason er stuðningsfulltrúi í Flóaskóla og starfsmaður umferðarverkefnis skólans. Haukur er stúdent af náttúrufræðibraut í FSu og býr á Stóru-Reykjum. Það sem helst vekur áhuga Hauks utan vinnu eru bílar og tæki, íþróttir og félagsmál.

Hulda Kristjánsdóttir er grunn- og framhaldsskólakennari og býr í Skálateigi ásamt sambýlismanni og lítilli dóttur þeirra. Hulda kennir íþróttir og sund og er umsjónarkennari í 7. bekk, auk þess sem hún sér að hluta til um ART þjálfun meðal nemenda. Helstu áhugamál Huldu eru íþróttir, hestamennska og útivist. *Iðunn Óskardóttir* er grunnskólakennari með textílmennt sem aðalgrein. Iðunn býr í Þingborg ásamt eiginmanni sínum. Iðunn á þrjár uppkomnar dætur og 10 barnabörn. Iðunn er mjög handlagin en auk þess að kenna textílmennt kennir Iðunn náttúrufræði, en handmennt og umhverfismál eru einmitt meðal aðaláhugamála hennar.

Kristín Sigurðardóttir er skólastjóri Flóaskóla. Kristín býr í Skólatröð ásamt eiginmanni og tveimur börnum. Kristín er grunnskólakennari, hefur MS gráðu í sálfræði ráðgjöf, diplómu í skólastjórnun og er nú í fjarnámi frá HÍ í opinberri stjórnsýslu. Helstu áhugamál Kristínar eru ferðalög, útivist í góðra vina hópi og góðar bækur og bíómyndir.

Kristín Tómasdóttir er í hlutastarfi í mótuneyti skólans. Hún er móðir 4 barna, á 2 barnabörn og tvö á leiðinni. Kristín er alltaf kölluð Systa og býr á Egilsstöðum II ásamt eiginmanni, syni og tveimur fóstursonum. Helstu áhugamál Systu er lífið og tilveran.

Lára Bergljót Jónsdóttir er grunnskólakennari að mennt og býr á Blesastöðum í Skeiða- og Gnúpverjahreppi og er gift þriggja barna móðir. Lára er umsjónarkennari í 4.-5. bekk auk þess sem hún sér að hluta til um ART þjálfunar innan skólans. Aðal áhugamál Láru eru hannyrðir, tónlist og hestar. *S. Oddný Stefánsdóttir* er grunn- og framhaldsskólakennari. Hún býr í Brandshúsum 4 ásamt eiginmanni og dóttur, hundi og nokkrum hænum. Oddný er myndmenntakennari en hennar helstu áhugamál eru einmitt myndlistin, tónlist, hannyrðir og fólk.

Sigrún Árnadóttir er leiðbeinandi við Flóaskóla, en hún hefur stundað kennaranám í fjarnámi undanfarin ár og sér fram á að ljúka því innan tveggja ára. Sigrún býr á Selfossi ásamt sambýlismanni og þremur börnum. Sigrún kennir heimilisfræði við Flóaskóla. Þessa dagana kemst lítið að hjá Sigrúnu annað en vinnan, fjölskyldan og námið, en þess utan hefur hún áhuga á þrjónaskap, útilegum og ferðalögum innanlands. Henni finnst líka gaman að

Kæru sveitungar og aðrir lesendur

Flóaskóli hefur vaxið nokkuð ört undanfarin misseri. Starfsmönnum hefur fjölgað í takt við fjölgun nemenda og nú eru 21 starfsmaður sem koma að starfi við skólann á einn eða annað hátt. Nokkir í hlutastarfi eða stundakennslu en aðrir í fullu starfi. Starfið í skólanum hefur gengið vel og hef ég m.a. þakkað faglegu og metnaðarfullu starfsfólki þann árangur sem við höfum náð í skólamálum. Nýlega nefndu nokkrir íbúar sveitarfélagsins það við mig að gaman væri að fá yfirlit yfir þá starfsmenn sem starfa í skólanum í vetur. Það myndi auka enn á tengsl samfélagsins við skólann að „þekkja til“ þeirra sem þar starfa. Okkur langar því að bjóða ykkur stutta kynningu á þeim 21 starfsmanni sem starfa við skólann. Jafnframt hvetjum við lesendur til þess að hafa samband við okkur hafi þeir hugmyndir um hvernig samfélagið geti stutt við skólann og hvernig hægt væri að tengja starfið í skólanum enn frekar að því sem samfélaginu í Flóahreppi finnst mikilvægt.

Með jólakveðju frá Flóakóla, Kristín Sigurðardóttir, skólastjóri.

Aðalheiður Sveinbjörnsdóttir er ræstitæknir við skólann. Hún býr í Vatnsholti ásamt eiginmanni og syni en samtals eiga þau hjónin 7 börn og 13 barnabörn. Didda eins og hún er kölluð hefur áhuga á öllu sem er áhugavert og spennandi! *Alda Stefánsdóttir* er grunnskólakennari og hársnyrtir að mennt. Alda er móðir tveggja unglunga, hún býr í Syðri-Gróf og hefur áhuga á þrjónaskap og hænsnaræktun. Við Flóaskóla er Alda umsjónarkennari í 6. bekk, kennir stærðfræði í 1. og 7. bekk og sér að hluta til um ART þjálfun meðal nemenda. *Anika Bäcker* er starfsmaður skólavistunar. Anika býr í Grímsnes- og Grafningshreppi ásamt eiginmanni en þau hjónin eiga von á fyrsta barni sínu í vor. Anika er með BA próf í bókasafns- og upplýsingafræði. Anika er þýsk að uppruna en hefur búið á Íslandi í 7 ár. Helstu áhugamál Aniku eru hestar, þrjónaskapur, föndur og lestur.

Elín María Karlsdóttir er stundakennari í sænsku við skólann. Hún býr í Holti í Stokkseyrarhreppi með fjölskyldu sinni en þau hjónin eiga 5 börn og 1 barnabarn. Elín er menntuð sem leikskólakennari og hefur reynslu sem stjórnandi í leikskóla. Helstu áhugamál hennar eru fjölskyldan, búskapurinn, börn, íþróttir, dans og fólk.

Erna Jóhannesdóttir býr í Heiðargarði ásamt sambýlismanni og tveimur dætrum, en hún á einnig stjúpson sem býr á Selfossi. Erna starfar sem leiðbeinandi í stundakennslu við Flóaskóla. Hún er í BA námi í ensku og íslensku og stefnir að því að ljúka því fljótlega. Ernu langar að bæta við sig kennslufræði til að hafa réttindi til kennslu í grunn- og framhaldsskólum. Erna hefur áhuga á tungumálum og menningu.

Eydís Lilja Eiríksdóttir er matráðskona í mötuneyti skólans. Hún býr í Kolsholti ásamt eiginmanni sínum. Þau hjón eiga á 5 börn og 10 barnabörn.

Pistillinn

Já sæll!! Ég verð nú að viðurkenna að ég fékk kaldan hroll niður bakið þegar ég sá að Erla hafi skorað á mig. TAKK ERLA! ☺ En ég ákvað að ljúka þessu af og svipað og Erla, minnst á nokkur bernskuafrek í sveitinni. En ég hef ekki átt eins skrautleg gæludýr og hún Erla tók að sér herna í den.

Þegar ég var 4 ára lenti ég í þeirri óskemmtilegu reynslu að það réðst á mig nýborin belja. Illa hefði getað farið en hún náði ekki að meiða mig en ég stakk upp á því í örvæntingunni minni að senda hana til Ameríku svo þetta myndi ekki gerast aftur!

Mig langar að segja einnig frá minnistæðri gönguferð sem ég, Viðar bróðir minn og Andri í Eystri-Hellum sem er jafnaldri hans Viðars fórum. Þetta var í ágúst '93 í blíðskaparveðri, Viðar og Andri orðnir 8 ára og ég á sjötta ári. Okkur Viðari langaði svo að fara niður að Bæjarvatni með nesti með okkur, sem við vorum vön að gera í góðu veðri. Mamma pakkaði saman í nesti og við lögðum af stað niðrúr. Við komum okkur fyrir á “eyjunni okkar” sem er í raun bara þúfa í dag. Á meðan japlað er á nestinu þá sjáum við einhvern koma til okkar og það er besti vinur Viðars hann Andri og hundurinn hans Kobbi. Við vorum 3 saman á “eyjunni” í smátíma þar til að okkur fór að leiðast. Einhver okkar kom með þá sniðugu hugdettu að fara niðri fjöru að finna sprek til að kveikja bál... Við lögðum af stað, Viðar og Andri báðir með girðingastaura sem stafi og ég skottaðist þarna á eftir þeim, við gengum meðfram Haugslæknum. Ég man eftir því að gangan var mjög löng og þó nokkrar hindranir á leiðinni, s.s. skurður sem var reyndar nánast vatnslaus en ég harðneitaði að fara yfir, Viðar sýndi enga miskun og kippti mér bara yfir!! En svo komum við að næstu hindrun það var draugalega fjárhúsið á Sléttabóli það var tekinn stór sveigur framhá húsinu svo var farið beint yfir veginn og haldið áfram niður í fjöru. Það seinasta sem ég man var það að ég var það lítil að ég týndist í öllu melgresinu en svo var allt í einu togað í mig og ég dregin út og sá þá svarta sanda endilangt og stórar öldur. Þá vorum við komin að áfangastað.

En aumingja mamma var farin að hafa mjög miklar áhyggjur af okkur, við vorum búin að vera týnd í 6 tíma. Hún fór upp á fjóspak með kíkí til að reyna sjá yfir Bæjarvatnið og Haugslandið. Hún var einnig búin að hringja að Hellum og Katrín kom og hjálpaði mömmu og þegar

hún kom auga á okkur loks í Haugslandi þá var hún snögg að koma sér af þakinu og beint niðrur með Katrínu sem var ríðandi.

Ég man reyndar mjög lítið eftir heimferðinni, en ég var víst fljót að fara í fangið á mömmu þegar hún kom á móti okkur. Hún var ekki sú glaðasta þegar við sögðum henni að við hefðum skroppið niðri fjöru! Hún trúði okkur ekki fyrst en þá sýndi ég henni kuðungana og fjörusteinana sem ég hafði stungið í vasann á stuttbuxunum og þá náði ég að gera mömmu kjaftstopp aðeins 5 ára gömul.

Svona fór um sjóferð þá. En nú er gott að vera búin að þessu, að skrifa í þennan pistil og vona ég að þið hafið haft gaman að þessari svaðilför því þetta er dágóður spölur fyrir stutta fætur frá Bæjarvatni og niður að sjó, og hef ég áveðið að fara sömu leið núna næsta sumar og rifja þetta betur upp. Nú er komið að skemmtilega partinum að skora á næsta rithöfund. Mig langar að skora á æskuvinkonu mín hana Halldóru Markúsdóttur í Hól.

Takk fyrir mig, Gréta í Bæ ☺

Fyrirlestur

Fimmtudagskvöldið 4. desember n.k. kl. 20.30, verður fyrirlestur í Þjórsárveri, á vegum Foreldrafélags Flóaskóla. Fyrirlesarinn verður Kári Eypórsson ráðgjafi (www.ckari.com), og mun hann fjalla um bjartsýni og jákvæð viðhorf til lífsins. Allir íbúar í Flóahreppi eru hjartanlega velkomnir. Mætum sem flest og eflum andann nú á þessum viðsjárverðu tímum. Kaffi, te og smákökur með að loknum fyrirlestri. Enginn aðgangseyrir.

Foreldrafélagið.

Kirkjukór Gaulverjabæjarkirkju

Söngfólk óskast í allar raddir. Kórin starfar undir stjórn Hauks Gíslasonar. Þeir sem hafa áhuga geta haft samband við Margréti í Gerðum sími: 486-3393.

Formaður

Frá Flóaskóla

Nýlega lögðum við viðhorfskönnun fyrir foreldra barna í Flóaskóla. Niðurstöður könnunarinnar hafa verið sendar foreldrum og verða einnig settar á heimasíðuna. Niðurstöðurnar gefa til kynna mikla almenna ánægju með skólann og hafa þær gefið okkur starfsfólkinu mikla hvatningu til áframhaldandi góðra starfa. Í byrjun desember munum við einnig leggja könnun fyrir nemendur, en hún á að mæla ánægju þeirra og almenna líðan í skólanum.

Undanfarið hafa stjórnendur Flóaskóla og Krakkaborgar notað mikinn tíma til stefnumótunar skólanna í samstarfi við fræðslunefnd og ráðgjafafyrirtækið Focal. Vinnan er vel á veg komin og snýst meðal annars um það að einfalda ferli allra mála, skýra vel hlutverk skólanna og starfsmanna þeirra og leggja áfram áherslu á fagmennsku og metnaðarfullt starf. Einkunnarorð skólanna í allri vinnu eru Hugur-Hjarta-Hönd. Hérðasbókasafn Árnesinga hefur aðstoðað okkur undanfarið við flokkun bóka á bókasafninu okkar. Nú er að koma að því að við getum farið að ganga frá bókunum í hillur. Við notum því tækifærið hér og óskum eftir sjálfboðaliðum sem hafa áhuga á að koma til okkar í skólann á skólatíma og aðstoða við auðvelda vinnu með bækurnar. Það þarf t.d. að þrifa þær og líma á þær kjalmiða. Verkinu verður stjórnað af Aniku, starfsmanni skólavistunar, en hún er einmitt bókasafnsfræðingur að mennt. Hér er alltaf heitt á könnunni og tilvalið fyrir eldri borgara eða aðra þá sem áhuga hafa á að kynnast skólalífinu að bjóða sig fram í sjálfboðavinnu í nokkra tíma ☺ Við rennum alveg blint í sjóinn með þessa auglýsingu en hlökkum til að fá viðbrögð frá lesendum.

Að lokum bendi ég á kynningu á starfsmönnum skólans sem birtist hér á síðum fréttablaðsins.

Með jólakveðju, Kristín Sigurðardóttir skólastjóri
kristin@floahreppur.is, gsm 663-5720.

Hvernig félagslíf er í boði á Suðurlandi?

Nú er unnið að gerð gagnagrunns um hvers kyns félags- og menningarstarf sem er í boði á Suðurlandi og opið er öllum almenningi. Stjórnir félagasamtaka eru hvattar til að senda eftirtaldir upplýsingar fyrir 7. desember til skráningar í gagnagrunninn á netfangið glugginn@sudurglugginn.is :

Heiti félagskvarpa Stutt lýsing á starfssemi Starfssvæði Fundarstaður og tími Heimasíða og/eða vefvang umsjónaraðila Símanúmer tengiliðar
Tekið skal fram að skráning í gagnagrunninn er fjélagum að kostnaðarlausu!

Nú er tækifæri til að vekja athygli á því sem er í boði, hvort sem það eru; kórar - leikfélög - ungmennafélög - íþróttafélög - skákfélög - gönguklúbbar - kvenfélög - kirkjustarf - skotveiðifélög - listaklúbbar - sögufélög - styrktarfélög - bókmenntafélög - búnaðarfélög - danshópar - tónlistarfélög - hjónaklúbbar - málfundafélög - fornbílafélag – ferðafélög ... eða eitthvað annað sem er í boði. Gert er ráð fyrir að gagnagrunnurinn verði þýddur á ensku og á þriðja mál. Listinn verður vistaður rafrænt á vegum opinbers aðila á Suðurlandi og þar með aðgengilegur fyrir almenning.

Gagnagrunnurinn mun ná til félagsstarfs í Árnæssýslu, Rangárvallasýslu, Vestur-Skaftafellssýslu og í Vestmannaeyjum. Verkefnið er styrkt af Menningarráði Suðurlands.

Ég get hjálpað þér að ná þínu takmarki og láta þína drauma rætast

- Viltu greinast?
- Viltu fitna?
- Viltu vera í sömu þyngd en ná góðum árangri í líkamlegri og andlegri heilsu?
- Viltu fríska upp á útlitið?
- Viltu laga ýmsa heilsukvilla?

Herbalife getur hjálpað þér að ná markmiðum þínum í þyngdarstjórnun og heilsu.

-kaupauki-

Hlakka til að heyra frá þér.

<http://www.heilsufrettir.is/sandrad>
Sjálfstæður dreifingaraðili Herbalife
sdsjadarkot@hotmail.com
Sandra

Frá Gaulverjabæjarkirkju

Eins og kunnugt er, hefur verið ráðinn nýr sóknarprestur til að þjóna í Eyrarbakkaþrestakalli, Séra Sveinn Valgeirsson. Hann var áður sóknarprestur í Tálknafjarðarþrestakalli. Séra Sveinn verður settur inn í embætti við guðsþjónustu í Eyrarbakkaþrestakalli sunnudaginn 7. desember kl. 14.00. Fyrsta messa hans hjá okkur í Gaulverjabæjarkirkju verður hátíðarguðsþjónusta á jóladag kl. 14.00.

Það stóð ekki til að auglýsa embætti prests í Eyrarbakkaþrestakalli, færa átti þrestakallið undir Hraungerðisþrestakall og fækka þannig þrestum á þessu svæði um einn. Var það í hróplegu ósamræmi við fjölgun íbúa á svæðinu. Formenn sóknarnefnda í Eyrarbakkaþrestakalli mótmæltu þessu einarðlega og hvöttu Biskup Íslands til að auglýsa stöðuna. Það er skemmst frá því að segja að biskup féll frá þessari sameiningu og staðan var auglýst. Til fróðleiks má svo geta þess, að valnefnd Eyrarbakkaþrestakalls var samhljóða í vali sínu á Séra Sveini Valgeirssyni. Hann og hans fjölskylda flytja í þrestbústaðinn á Eyrarbakka seinna í vetur eða vor, en endurbætur standa nú yfir á bústaðnum. Séra Sveinn er boðinn hjartanlega velkominn og væntum við alls góðs af samstarfinu við hann.

Einnig má geta þess að Oddný Stefánsdóttir Brandshúsum hefur tekið að sér að sinna stöðu meðhjálpara.

Sóknarnefnd.

SÍMASKRÁ FLÓAHREPPS

Í sumar var símaskrá Flóahrepps, sem Kvenfélag Hraungerðishrepps gaf út, send inn á hvert heimili í hreppunum. Hægt er að fá auka eintak og kostar það þá kr. 500.- t.d. ef þið viljið hafa eintak í útihúsunum, dráttavélinni, bílnum eða til að gefa brottfluttum svo þeir geti áttað sig á öllum nýbýlunum í sveitinni, þeir sem hafa áhuga, hafi samband við einhverja stjórnarkonu, en þær eru; Betzy Litla Ármóti s:482 1057, Gunnur Hofi s:482 4019 og Magga Einars Selfossi s:482 1180

Frá Kvenfélagi Gaulverjabæjarhrepps

Jólafundur/föndur!

Jólafundur Kvenfélags Gaulverjabæjarhrepps verður föstudagskvöldið 12. desember n.k. kl. 20.30. Þær ætustu mega koma fyrir ef þær vilja, eða kl. 20.00. Við ætlum að búa til fallega kransa úr öllum könglunum og mosanum, sem við tindum í Timburhól fyrir í haust. Einnig getið þið tekið með hnetur eða hvað sem ykkur finnst passa að hafa með. Kvenfélagið mun útvega kransana sjálfa, en þið þurfið að taka með ykkur límbyssur og lím, nauðsynlegar í það sem við ætlum að gera. Ef þið eigið ekki límbyssu, skuluð þið fá lánað hjá ættingja eða vini, eða þá að fjárfesta í einni slíkri, þær eru til margra hluta nýtsamlegar og kosta ekki mikið, nóg að kaupa litla. Svo eftir föndurpuðið, ætlum við auðvitað að fá okkur jólaglöggað að hætti þýskra og bryðja smákökur með. Komið því með lítið sýnishorn af öllum þeim ósköpum sem þið verðið búnar að baka. Mætum nú allar og eigum saman góða stund og gleymum öllu jólastressi. Nýjar konur hjartanlega velkomnar í félagið.

Kvenfélagið.



Jólatrésskemmtun

Jólatrésskemmtun Kvenfélags Gaulverjabæjarhrepps verður haldin í Félagslundi sunnudaginn 28. desember og hefst kl. 14:00. Dagskrá er með hefðbundnu sniði. Um kvöldið verður spilið félagsvist sem hefst kl. 20:30.

Nefndin

Frá Foreldrafélagi Flóaskóla

Nú nýverið lét Foreldrafélagið prenta myndir á viskustykki, sem við seljum í fjáröflunarskyni. Myndirnar á viskustykkjunum eru sjálfsmyndir allra barnanna í Flóaskóla, ásamt merki skólans. Hvert stykki kostar kr. 1.200- og fást hjá Margrétu á Syðra-Velli og eins í Flóaskóla hjá Kristínu skólustjóra. Þau eru góð í jólapakkann eða sem tækifærisgjöf og eru mjög skemmtileg.

Foreldrafélagið.

Frá Leikskólanum Krakkaborg

Í Krakkaborg hefur verið nóg að gera það sem af er vetri. Framkvæmdir standa nú yfir í húsinu og er Bangsadeild flutt í nýtt rými. Verið er að leggja lokahönd á sérkennslurými og skrifstofuadstöðu fyrir leikskólustjóra og starfsfólk. Listakrökur og kaffiaðstaða starfsfólks fá líka nýjan stað í húsinu.

Kvenfélag Villingaholtshrepps kom færandi hendi í október og færði leikskólanum þrjú þríhjól að gjöf. Eru þetta falleg og sterk þríhjól, sérhönnuð fyrir þarfir leikskóla og hafa þau notið mikilla vinsælda hjá börnunum. Börn og starfsfólk Krakkaborgar þakka Kvenfélagi Villingaholtshrepps kærlega fyrir þessa góðu gjöf.

Í haust opnaði Krakkaborg nýja heimasíðu þar sem er að finna allar helstu upplýsingar um leikskólann, auk fréttu og ljósmynda úr starfinu. Slóðin er www.leikskolinn.is/krakkaborg

Elstu börn leikskólans fara reglulega í heimsókn í Flóaskóla. Eru þessar heimsóknir liður í að undirbúa þau fyrir skólagöngu á næsta ári en einnig að efla samstarf leik- og grunnskóla sveitarfélagsins. Tígradeild, elsta deild leikskólans, endurnýjaði á dögnum samstarfssamning við Brunavarnir Árnassýslu og mun elsti árgangur leikskólans fara reglulega yfir húsnæði leikskólans og gæta þess að brunavarnir séu til fyrirmyndar. Slökkviliðið mun svo heimsækja okkur á vormánuðum og fræða börnin um störf slökkviliðsins.

Nú er jólaundirbúningurinn hafinn í leikskólanum. Í nóvember fóru 3 elstu árgangar leikskólans í menningarferð á Selfoss. Farið var á bókasafnið, hlustað á sögu og fengnar nokkrar bækur að láni. Einnig var stoppað á Kaffi-Krús þar sem boðið var upp á heitt kakó og smákökur. Föndurdagur leikskólans var 26. nóvember en þá komu fjölskyldur barnanna í heimsókn í leikskólann og föndruðu með börnunum. Kveikt var á jólaljósum við leikskólann og félagsheimilið Þingborg 28. nóvember við mikinn fögnuð viðstaddra.

Í desember standa Krakkaborg og Flóaskóli sameiginlega að leiksýningu fyrir börnin. Er það Kómedíuleikhúsið sem kemur í heimsókn og sýnir okkur leikritið Jólaveinar Grýlusynir. Leikskólabörn fara í heimsókn í Ölvisholt til að sækja sér jólatré og jólaball leikskólans verður haldið að venju rétt fyrir jól.

Leikskólinn Krakkaborg óskar sveitungum sínum gleðilegra jóla og farsældar á nýju ári, með þökk fyrir ánægjuleg samskipti á líðandi ári.

F.h. Krakkaborgar Hallfríður Ósk Aðalsteinsdóttir